



# BLAK YAY BINCH



Blak yay binch na wan plant we gɛt bɔku yayam fɔ di bɔdi ɛn izi fɔ chenj bikɔs i ebul gro onda difrɛn wɛda Kondishɔn

Blak yay binch na impɔtant plant na dɛn af ɛn af, ɛn dray grɔn bikɔs i ebul gro na grɔn we nɔ gɛt wata at ɔl.

## Di yayam we blak yay binch gɛt

Blak yay binch gɛt inɔf Kabɔhaydret, Protin (22 -23%) thiyamin (vaytamin B<sub>1</sub>), Riboflavin (Vaytamin B<sub>2</sub>) ɛn Niasin (vaytamin B<sub>3</sub>). Di lif dɛm gɛt inɔf askobic acid (vaytamin C) ɛn β karotin. Wi kin yuz di ɔp pat pan di plant fɔ sɔpɔt animal prodɔkshɔn.

In rut dɛm impɔtant fɔ simbayotik rilesɔnshɔp wit baktiria dɛm na di grɔn we kin ɛp pan naytrojɛn fikzashɔn.

## Wetin di plant want

### Fɔ pik di kayn plant

Pik blak yay binch we fit yu yon we fɔgro am ɛn tink bɔt aw i de bia, if tumbu ɛn siknes nɔgo ebul am ɛn also if i de sɛl na makit.

## Di Klaymet ɛn aw fɔ pripia di grɔn

Blak yay binch de gro wɛl na difrɛn kayn grɔn bɔt i bɛtɛ fɔ gro am na grɔn we nɔ gɛt wata, usay di grɔn in pH na bɔt 5.5 - 6.5. Mek sho se u dig di grɔn fɔ mek i saf fɔ mek hip we go de frɔm 20 – 35 °C ɛn nɔ lɛs dan 15°C.

Blak yay binch de bia hɔt ɛn dray kondishɔn. Bɔt we di ples wam pas 38°C di plant nɔ go bia fayn ɛn sɛf di sid dɛm nɔ go kɔmɔt fayn.

## Aw fɔ plant ɛn tek kia ɔf am

### Aw fɔ plant

Plant di sid na grɔn we dip lɛk aw i fo bi (2 – 4cm). Ge am inɔf spes so dat di plant go gɛt gud briz ɛn u go ebul tek kia of am.

### Ayd di Plant

Blak yay binch na sɛlf polineted plant ɛn so u nɔ nid fɔ ayd am tu mɔs fɔ mek i nɔ lɔs in jenetik mekup.

## Aw fo Manej Wata

Blak yay binch de gro usay wata nɔ de bɔt kin gro fayn we di grɔn sok mɔ we i dɔn pul flawa ɛn di pod dɛm bigin divɛlɔp. Ge am wata we di plant nid am bɔt nɔ mɛk wata pasmak

## Aw fɔ gi fatalayza

Tɛst di grɔn fɔ no if i gɛt bɛtɛ yayam. Mos tɛm blak yay binch nɔ kin nid bɔku yayam. Gi di grɔn gud fatalayza bifo u plant ɛn ɔlso mɛnba fɔ gi am mɔ fatalayza if i nid am we i de gro.

## Aw fɔ kɔntrɔl dɛm bad gras

Fɛn gud we fɔ kɔntrɔl dɛm bad grass mɔ we di plant jɔs bigin gro. Mɔlchin kin ɛp fɔ kil dɛm bad gras and ɔlso ɛp fɔ kip di wata na di grɔn.

## Aw fɔ drɛb tumbu ɛn sik

Luk fɔ tumbu dɛm lɛk afids, thrips ɛn pɔd bɔras. Yuz difrɛn we dɛm fɔ drɛb tumbu dɛm. Kɔmɔn sik dɛm na rɔst ɛn da wayt pawda we kin ambɔg di lif dɛm.

Fɛn di kayn blak yay binch we sik nɔ go ebul ɛn ɔlso praktis krɔp roteshɔn.



## **Aɛst, afta avɛst ɛn sto**

### **Aw fɔ Avɛst**

Avɛst di blak yay binch we di pɔd dɛn dɔn machɔ ɛn we di sid dɛm dɔn divɛlɔp ɛn frɛsh. We yu avɛst fas fas go mɛk di pɔd dɛm divɛlɔp. Mos tɛm blak yay binch de bia sid we kin bi 1.5 to 2.0 t/ha.

### **Aw fɔ pul de blak yay binch ɛn kiln am**

Nak nak di blak yay binch pɔd dɛm fɔsepret di sid frɔm di plant. Kiln di sid gud wan fɔ pul dɛn dɔti ɛn dɛm plant chaf chaf we kin lɛf pa am.

### **Aw fɔ kip am**

Kip di blak yay binch na ples we af col n af dray fɔmɛk ship ɛn tumbu nɔ go pwɛl am. Dray di sid if di wata bɔku pas 13%. Dray di sid dɛm na dray grɔn.

If nɔto nachɔral we yu yuz fɔdray di sid dɛm, di briz in tɛmprecho nɔ fɔ pas 35°C. Yuz di propa kɔntena ɔ bag fɔ kip am.

*if u wan no mɔ duya go na di kwaliti sid prodɔkshɔn buk ([resade.biosaline.org/sites/default/files/2021-06/Quality\\_Seed\\_Production\\_Manual\\_RESADE.pdf](https://resade.biosaline.org/sites/default/files/2021-06/Quality_Seed_Production_Manual_RESADE.pdf)).*

ICBA is an international not-for-profit applied agricultural research center with a unique focus on marginal environments where an estimated 1.7 billion people live. It identifies, tests, and introduces resource-efficient, climate-smart crops and technologies that are best suited to different regions affected by salinity, water scarcity, and drought, among other factors. Through its work, ICBA helps to create jobs and improve livelihoods, food security, and nutrition for some of the poorest rural communities around the world.

**+971 4 304 63 00**

**ICBA Headquarters  
Academic City, Al Ain Road Al  
Ruwayyah 2, Near Zayed University  
Dubai, United Arab Emirates**

**P.O. Box 14660**

**[icba@biosaline.org.ae](mailto:icba@biosaline.org.ae)**

**[www.biosaline.or](http://www.biosaline.or)**